


puncten. f. vñ laß daran beleyben. Aber mit dem anderen teyl beweg es / vñ such mit an der aufrecht
 ten lini. a. d. das mittel zwischen. e. g. vñ des cirkelrifs. e. a. g. vñ wo dann an dem richtscheyt so es
 recht leit ein lini gezogen wirt die durch schneydet die lini. e. g. da hin setz ein. h. vñ wo die weyter durch
 schneydet die aufrechte lini. a. d. da hin setz ein. i. vñ wo dise lini darnach den cirkel rüret da hin setz ein
 k. also gewinen. h. i. vñ. i. k. zwo geleych lengen / dardurch wirt. i. d. die erst lenge / durch welich zů finden
 ist die ander lini der seyten lenge des dryfachen cubi.

Nachfolget so nym die lin. . i. d. zů einer zwerch lini vñ erlenger sie mit der seyten des einfachen cu
 bi. a. b. vñ setz ein cirkel mitten auf die zůsamen gestossen lini. a. b. vñ. i. d. vñ reys ein halben cirkel
 a. d. Darnach setz ein aufrechte lini. b. l. zů gleychen wincklen / dise lini. b. l. ist die seyten des dryfachen
 cubi gegen dem einfachen cubo. a. b. Wie das hernach ist aufgerissen.



Darnach setz vier leng des eynfachen cubi. a. b. an einander / dz wirt. a. b. c. d. e. dise lini. a. e. setz
 aufrechte auf ein zwerch lini. g. f. Darnach reys ein lini auß dē. f. vñ schneyd den vnderen sicer
 teyl von. a. e. mit ab / vñ wo dise lini den cirkel ob dem. g. an rürt / da setz ein. i. Darnach nym
 das gradirt richtscheyt / vñ leg das mit seinem mittel puncten auf die lini. a. e. vñ das ein ende an
 den puncten. g. vñ such das mittel zwischen. f. i. vñ der cirkellini an der aufrechten. a. e. wo den. f. i.
 durch schnitten wirt / da setz ein. k. vñ wo. a. e. da setz ein. l. vñ wo den die cirkellini zwischen. a. f. ge
 rüt wirt / da setz ein. m. so werden. k. l. vñ. l. m. von gleychē lengen darauß sint sich / dz. l. e. die erst leng ist
 auß welicher man die seite des vierfachē cubi findet / dz such wie for gemelt / setz die leng. l. e. vñ die leng
 der seyten des einfachen cubi. a. b. an einander / vñ setz ein cirkel mit dem einen fues mitten zwischen
 a. e. vñ reys mit dem anderen fues ein cirkellini. a. e. Darnach reys ein aufrechte lini zů gleychen